



«Бекітемін»

ҚР ОАМ «Балаларды ерте дамыту институты» РММ директоры

Г. Онланбекқызы

2024 ж.

**Мектеп жасына дейінгі балалары бар ұлтаралық  
отбасылардың қатысуымен «Шаңырақ»  
отбасылық бейнероликтер байқауын өткізу туралы  
ЕРЕЖЕ**

**1. Жалпы ережелер**

1.1. Осы Ереже меншік нысанына және ведомстволық бағыныстылығына қарамастан мектеп жасына дейінгі балалары бар ұлтаралық отбасылардың қатысуымен «Шаңырақ» отбасылық бейнероликтер байқауының (бұдан әрі – Байқау) мақсаттары мен міндеттерін, ұйымдастыру тәртібі мен өткізу шарттарын белгілейді.

1.2. Байқау Қазақстан Республикасы Оқу-ағарту министрлігінің «Балаларды ерте дамыту институты» РММ-нің (бұдан әрі – Институт) 2024 жылға арналған жұмыс жоспарына сәйкес өткізіледі.

1.3. **Мақсаты:** отбасылық дәстүрлерді жаңғырту, отбасылық құндылықтарға қолдау көрсету, мектеп жасына дейінгі балаларды Қазақстан халқының мәдениетімен, салт-дәстүрлерімен таныстыру арқылы отбасылық дәстүрлерге, рухани-адамгершілік құндылықтарға баулу.

**1.4. Міндеттері:**

- балаларды Қазақстанда тұратын халықтардың дәстүрлерімен, отбасылық құндылықтарымен таныстыру;

- отбасылық дәстүрлер мен ұрпақтар арасындағы байланыстарды нығайтуға ықпал ету;

- балаларға ересектерге деген құрмет пен ересектердің балаларға деген достық қарым-қатынасын қалыптастыру;

- мектеп жасына дейінгі балалардың дербестігін ынталандырып, еңбекқорлыққа булу;

- «Әжелер мектебі», «Аталар мектебі», «Аналар мектебі», «Әкелер мектебінің» жұмысын жандандыру.

**2. Байқауды ұйымдастыру тәртібі мен өткізу шарттары**

2.1. Байқаудың ұйымдастырушылары – «Балаларды ерте дамыту институты» РММ, аудандық, қалалық білім бөлімдері, облыстық, республикалық маңызы бар қалалардың және астананың білім басқармалары.

2.2. Байқау үш кезеңде өткізіледі:

I кезең - аудандық, қалалық;

II кезең - облыстық;

III-республикалық деңгей.

2.3. Өңірлерде Байқау өткізу туралы хабарландыруды аудандардың,

қалалардың білім бөлімдері, облыстардың және республикалық маңызы бар қалалардың және астананың білім басқармалары бұқаралық ақпарат құралдарында, интернет-ресурстарда Байқау басталғанға дейін күнтізбелік 30 (отыз) күн бұрын жариялайды.

2.4. Байқаудың барлық кезеңдерінде материалдарды бағалау үшін білім басқармасы басшысының бұйрығымен аудан, қала, облыс, республикалық маңызы бар қалалар және астана деңгейінде байқау комиссиясы құрылады (құрамы кемінде 7 адам).

2.5. Байқау комиссиясы аудандық, қалалық бөлімнің, облыстың, республикалық маңызы бар қалалардың және астананың білім басқармасының мамандары, мектепке дейінгі ұйымдардың басшылары, әдіскерлер, білікті педагогтер, ата-аналар қоғамының өкілдері, бұқаралық ақпарат құралдары және т. б. қатарынан құрылады.

2.6. Байқау комиссиясы мүшелері келесі құқықтарға ие болады:

- байқау нәтижелері бойынша жүлделі орындардың (екі бірінші, екінші орын және т. б.) қайталануына жол беру;

- жүлделі орындарға лайықты үміткерлер болмаған жағдайда орындар бермеу;

- техникалық ақауларға байланысты (қатысушы тарапынан) ашылмаған бейнематериалдарды қарастырмау;

- ұзақтығы осы Ережеде белгіленген уақыттан асатын бейнематериалдарды қарамау;

- Ережеде көрсетілген мерзімнен кеш жіберілген бейнематериалдарды қарамауға (2.9-тармақ.).

2.7. Байқаудың I және II кезеңдерін ұйымдастыру және өткізу үшін Ережеде облыстың, республикалық маңызы бар қалалардың және астананың білім басқармасының байланыс телефондары мен электрондық поштасын көрсету қажет.

2.8. Республикалық кезеңнің байқау комиссиясының қарауына қажетті материалдардың тізбесі:

1) Облыстық, республикалық маңызы бар қалалар мен астананың білім басқармаларының **ілеспе хаты**;

2) байқауға қатысу үшін **өтінім** (осы Ереженің 1-қосымшасы);

3) қатысушылардың санын көрсете отырып, II кезең қорытындысы бойынша облыстың, республикалық маңызы бар қалалардың және астананың білім басқармасының байқау комиссиясының **хаттамасы** (сканерленген көшірмесі);

4) ресімдеуге қойылатын талаптарға және бағалау критерийлеріне сәйкес келетін **бейнематериал**.

2.9. Материалдар мектеп жасына дейінгі балалары бар ұлтаралық отбасылардың қатысуымен «Шаңырақ» отбасылық бейнероликтер байқауының атауымен **2024 жылдың «16» қыркүйегінен** кешіктірілмей [i-rrd2021@mail.ru](mailto:i-rrd2021@mail.ru) электрондық поштасына жіберіледі. Көрсетілген мерзімнен кеш келіп түскен материалдар қаралмайды, сондай-ақ қайтарылмайды.

### **3. Қатысушыларға қойылатын талаптар және байқау шарттары**

3.1. Байқауға өзге ұлт отбасыларының қатысуымен бейнероликтер жіберіледі және ұлттық дәстүрлердің, әдет-ғұрыптардың, мерекелердің ерекшеліктерімен танысу және отбасылық құндылықтарға баулу мақсатында өткізіледі.

3.2. Байқаудың II және III кезеңдеріне жүлдегерлер, 1 және 2 орын иегерлері (жеңімпаздардың 2 отбасылық командасынан артық емес) жіберіледі.

3.3. Байқау шығармашылық мереке атмосферасын құра отырып, балалар үшін қауіпсіз жерде, эстетикалық безендірілген үй-жайда өткізіледі.

3.4. Бейнелер YouTube бейне платформасына жүктеледі, сілтеме өтінімде орналастырылады.

3.5. Байқауға қатысушының өтінімі осы Ереженің шарттарын толық қабылдайтындығының, Байқау өткізу шеңберінде дербес деректерді өңдеуге келісім беретіндігінің дәлелі болып табылады.

### **4. Қорытындылау, жеңімпаздарды марапаттау**

4.1. «Шаңырақ» байқауының республикалық кезеңінің қорытындысы бойынша мынадай жүлделі орындар мен номинациялар белгіленеді:

I орын;

II орын;

III орын.

Номинациялар:

- «Дәстүрін дәріптеген отбасы»;

- «Мейірімді отбасы»;

- «Үлгілі отбасы».

4.2. Байқаудың республикалық кезеңінің жеңімпаздары дипломдармен марапатталады, жеңімпаздар мен жүлдегерлерді дайындаған педагогтерге алғыс хаттар беріледі.

4.3. Байқаудың қорытындылары мен жеңімпаздардың материалдары Институттың [www.irrd.kz](http://www.irrd.kz) сайтында және әлеуметтік желілер парақшасында жарияланады.

**Анықтамалар үшін телефон: 8 (7172) 28-09-50**

**Мектеп жасына дейінгі балалары бар ұлтаралық отбасылардың қатысуымен «Шаңырақ» отбасылық бейнероликтер байқауына қатысуға**

\_\_\_\_\_ облысынан (қала)

**ӨТІНІМ**

Білім беру ұйымының толық атауы (МДҰ жарғысына сәйкес)	
Қатысушылар туралы мәліметтер (тегі, аты, балалардың жасы)	
Жауапты педагогтің аты-жөні және лауазымы	
Жауапты педагогтің байланыс телефоны	
Бейнематериал орналастырылған YouTube бейне платформасынан сілтеме	

**Бейнероликке қойылатын талаптар мен техникалық шарттар  
(5 балл)**

Бейнематериалдың басты бетінде: мектепке дейінгі ұйымның атауын; байқаудың атауын; қатысушылар туралы мәліметтерді (баланың тегі, аты, жасы) және жауапты педагог туралы (тегі, аты, әкесінің аты, лауазымы) көрсету қажет.

Байқау материалдарын бағалау мынадай критерийлер бойынша жүзеге асырылады:

- педагогтің, ата-аналардың ұйымдастырушылық шеберлігі, балалардың Байқау шарттарын түсінуі;
- Байқау тақырыбына сәйкестігі;
- материалды берудегі өзіндік, стандартты емес ерекшелігі, жаңашылдық;
- шығармашылық көзқарасы;
- орындаушылық шеберлік деңгейі (даралық, эмоционалдылық, әртістік);
- бейнематериалдың сапасы;
- жас сәйкестігі;
- ойын өткізу орнының талаптарға сәйкестігі (ұлттық стильде безендіру).

Бейнематериалдың техникалық сипаттамалары:

- түсірілім кәсіби, сапалы, бейнекамераны өшірмей және тоқтатпай (басынан аяғына дейін) орындалуы тиіс;
- бейнежазба MPEG-4 форматында қабылданады;
- әр файлдың өлшемі 300 Мб-тан аспайды.
- бейнематериалдың ұзақтығы – 3 (үш) минуттан аспайды.

Жобаны қорғау барысы туралы бейнеролик өтінімге сілтеме орналастыра отырып, YouTube бейне платформасына жүктеледі.